

Kualiti air Sungai Semenyih memuaskan

SEMENYIH - Sebuah Pertubuhan Bukan Kerajaan (NGO), Gagasan Prihatin Semenyih bersama Yayasan Hasanah Malaysia dan *Global Environment Center* (GEC) telah melaksanakan pemeriksaan kualiti air Sungai Semenyih, susulan dakwaan sungai tersebut dipercayai tercemar, semalam.

Pengerusi GPS, Azman Ahmad berkata, pihaknya menerima aduan tersebut daripada masyarakat yang mendakwa keadaan Sungai Semenyih semakin keruh.

“Susulan daripada itu, kami bekerjasama dengan GEC dan Yayasan Hasanah Malaysia memeriksa kualiti air Sungai Semenyih di bawah Jambatan Sungai Semenyih,” katanya.

Beliau berkata, hasil pe-



Azman (kiri) sedang melihat laporan kajian kualiti air Sungai Semenyih.

meriksaan mendapati kualiti air Sungai Semenyih berada di tahap yang memuaskan.

“Ia bererti tiada kandungan yang boleh menyebabkan pencemaran, kecuali keadaan air sungai keruh sedikit berkemungkinan faktor hu-

jan serta projek pembangu- an di sekitar pinggir sungai.

“Bagaimanapun kami dapat meredakan keresahan masyarakat serta menyangkal dakwaan Sungai Semenyih tercemar. Pemantauan akan diteruskan sekiranya kami menerima lagi aduan berkait- an pencemaran sungai,” kata- nya.

Menurutnya, pihaknya sering kali melaksanakan jalinan kerjasama dengan GEC sejak tahun lalu.

“Sebelum ini kita telah membuat analisis pemantau- an kualiti air Sungai Semenyih bersama GEC, ia telah di- laksanakan selama enam bulan sehingga Oktober lalu, laporan itu akan dihantar ke- pada agensi berkaitan untuk tindakan lanjut,” katanya.



Keadaan Sungai Semenyih yang didakwa tercemar.